

<http://ugtg.org/~apache/spip.php?article1476>



# Léwoz a UGTG : Vandrédi 1é juiyé, 9èd swa ! Annou fèmé lawond !

- Actualité -



Date de mise en lignelundi 20 juin 2011

Date de parution1er juillet 2011

---

Copyright © UGTG.org - Tous droits réservés

---



**Sé vwè, Pèp Gwadeloup chouké avè kilti, mès é labitid ki tay, ki konstwi lanné asi lanné, jénérasyon asi jénérasyon avè tipilo kilti, mès é labitid a Pèp Caraibe, Pèp Afrique, Pèp Inde é Pèp Europe ;**

**Sé vwè, lesklavaj, kolonizasyon, lasimilasyon é mondyalizasyon prévwa voyé douvan kilti, mès é labitid a loksidan é éséyé détwi kontribisyon a pitit à Pèp Caraibe, a Pèp Inde, a Pèp Afrique, padavwa pou kolonyalis Éwopéyen, pou enpéryalis, nou pa moun menm jan ki yo, kilti an nou ka fwenné komès a yo ;**

**Sé vwè loksidan détwi sosyété, dékatyé Fanm é Nonm, pou tousa ki lavi fonksyoné jan i désidé ;**

**Sé vwè, on Pèp san kilti, san mémwa, an Pèp ki pa kapab voyé douvan sa i ka kwè ki bon pouy, sé on pèp ki toupwé lanmô ; Sé poussa Nou Gwadeloupéyen douwé pran lontan plis konsyans a fondé a kilti an nou.**

**Padavwa kilti sé lavi...**

**Padavwa kilti sé lyannaj a pèp, padavwa kilti a chak pèp sé richès a limanité...**

**Padavwa, kréyol annou, tanbou annou, jan nou ka dansé'y, jan nou ka chanté'y... sé nou !**

**UGTG ka mandé Travayè, Jenn, Jouwa-Makè-Chantè, Fanmi... sanblé an lwond la pou kontinyé nourri kilti annou pou baré van a démounaj, a lasimilasyon, a mondyalizasyon ki kapitalis é kolonyalis fwansé owganizé an Péyi annou !**

**Wi kilti a Pèp Gwadeloup vivan**

**Nou sé Nou...Nou sé Moun**

**Nou sé Gwadeloupéyen**

# Vandrédi 1é juiyé 2011 a 9èd swa douvan Palè Mityalite Lapwènt :

Avè lé Mèt a KA  
Nou ké sanblé  
Lantou son a tanbou-la  
Pou travayè pran fos  
Pou konbat pwofitasyon

Annou fèmé lawond... Annou fèmé lawond... Annou fèmé lawond...